



Si Mako at Ang Kaniyang Bisekleta

Mark Joseph Salinog

Teody M. Gaspar





Mahal na mahal ni Mako ang kaniyang bisikleta dahil ito ay regalo ng kaniyang tatay noong ito ay buhay pa. Palagi niya itong sinasakyan kapag gumagala kasama ang kaniyang mga kaibigan. Maliban sa kaniyang Nanay na hindi pumapayag na gamiton ito, marami ang naiinggit at pumupuri dahil sa bilis ng kaniyang pagpapatakbo.



"Mako, punta tayo mamaya sa bagong bukas na <I>esplanade</I> sa kabilang baryo. Maganda magbisekleta doon!" Aya ng kaniyang kaibigan na si Niko noong nagkita sila sa harap ng <I>barangay hall</I>.

"Kaso ayaw ni Nanay na magbisekleta ako sa malayo. Lalo na at magagabihan ako ng uwi. Papagalitan niya ako," sagot ni Mako.

"Ay, bakit, magpapa-alam ka ba? Hindi naman tayo magtatagal. Hindi tayo magpapagabi. Ikaw lang doon mamaya ang wala kung hindi

ka sasama," pangungumbinsi ni Niko.

"Sige! Magkita kita nalang doon mamaya!" At saka siya mabilis na nagpatakbo ng bisekleta pauwi.



Pabalik-balik na tumatakbo si Mako sa harap ng kaniyang Nanay ngunit hindi niya ito masabi. Gustong-gusto talaga niya na makapunta sa esplanade kasama sina Niko. Sa tuwing tinitingnan niya ang kaniyang bisekleta ay parang inaanyaya talaga nito na sumakay. Ngunit alam niya na hindi siya papayagan ng kaniyang Nanay kung magpapaalam siya.

"Mako, bumili ka muna ng mantika sa

palengke. Bilisan mo lang ha, kasi magprito
pa ako ng isda."

"Opo, Nanay!"



Habang nakasakay si Mako ng kaniyang bisekleta, naalala niya ang sinabi ni Niko — “Ikaw lang ang wala doon mamaya kung hindi ka sasama.”

Kung kaya, sa halip na pupunta ito sa palengke ay tumungo si Mako sa esplanade. Dahil mabilis itong magpatakbo, makababalik din ito agad at makabibili ng mantika.



Masaya silang nagpaikot-ikot sa esplanade. Maraming tao doon. Mayroong naglalakad, may tumatakbo, at may nagbibisekleta rin kagaya nila. Marami rin ang nagbebenta ng mga pagkain at nagseselpon dahil sa marami ang magagandang tanawin, lalo na ang papalubog na araw.

Hala! Papalubog na ang araw nang maalala ni Mako ang bilin ng kaniyang Nanay! Naaliw siya sa pagbibisekleta at hindi na niya namalayan ang oras.



"Hala! Gabi na! Papagalitan ako ng Nanay nito!"

"Para mabilis, magpaligsahan tayo sa pag-uwi. Tingnan natin kung sino ang unang makarating sa barangay hall!" paghahamon ni Niko.

Mabilis ang kanilang takbo maliban na lang kay Mako. Ginusto niyang magpahuli para makaliko siya sa isang maliit na eskenita na maari niyang daanan. Medyo mataas at masikip nga lang pero mas madali ang rutang

ito.

"Hahaha! Ako na ang mauuna nito!"

pagmamayabang ni Mako sa kaniyang sarili.



Dahil medyo madilim na, hindi nakita ni Mako ang nakaharang na bato sa daanan. Biglang sumirko ang kaniyang bisekleta. Tumalsik si Mako at napunta sa mabatong bahagi.

"Aray! Dugo!? May dugo sa paa ko! Tulong!!" sigaw ni Mako ngunit walang may nakarinig.



Pinilit niyang makatayo at puntahan ang kaniyang nahulog na bisekleta.

"Ang bisekleta ko! Bakit nasira ang bisekleta ko!? sabi ni Mako.

Gusto niyang malaman kung may sira pero hindi niya ito makita. Itinulak niya nalang ito at ipinagpatuloy ang paika-ika nitong paglalakad

"Kung naniwala lang sana ako kay Nanay na hindi magpagabi, hindi sana ako nahulog," pagsisisi ni Mako.



Malalim na ang gabi nang makarating ito sa kanilang bahay. Nandoon si Nanay na naghihintay sa labas.

"Mako! Bakit ngayon ka lang? Saan ka nanggaling?" pasigaw na sigaw ng kaniyang Nanay nang makita ito.

"Nanay..." sabi ni Mako habang umiiyak.

"Ano ang nangyari sa mga tuhod mo? Naaksidente ka ba sa bisekleta?" tanong ng Nanay nang makita ang dumudugong tuhod ni Mako.

"Opo, Nanay!" umiiyak na sagot ni Mako.



"Ay naku, ang batang ito! Ito ang sinasabi kong huwag na sanang pumunta sa malayo kapag nagbibisekleta dahil delikado? Hindi ka talaga nakikinig sa mga sinasabi ko," sabi ng Nanay habang ginagamot ang ang paa ni Mako.



"Paumanhin po, Nanay! Nainggit kasi ako kina Niko na magbibisekleta sa esplanade. At saka baka tuksuhin nila ako dahil hindi ako nakasama," umiiyak na sabi ni Mako habang niyayakap nang mahigpit ang kaniyang Nanay.

"Mako, alam mo naman na hinahayaan naman kita na magbisekleta basta huwag lang mabilis at malayo. At dapat ay nasa bahay ka na bago mag-alas sais at ito ay

madilim na.

Tingnan mo ang nangyari sa iyo ngayon. Oh ano, uulit ka pa ba?" sabi ng Nanay niya.

"Hindi na po ako uulit pa, Nanay!" pangako ni Mako.



Simula noon ay hindi na pumupunta sa malayo si Mako at bago pa man din dumilim ay nandoon na ito sa kanilang bahay kasama ang kaniyang bisekleta.





ABC+: Advancing Basic Education in the Philippines



This book was developed as part of the ABC+: Advancing Basic Education in the Philippines project. ABC+ is a partnership of USAID and the Department of Education (DepEd), implemented by RTI International together with The Asia Foundation, SIL LEAD, and Florida State University.

This book was quality assured by Donald T. Genine, EPS-LRMS, Celestino S. Dalumpines IV, EPS-Filipino, and Schubert Anthony C. Sialongo, EPS-LRMS, and was approved for publishing by the Department of Education Region VI - Western Visayas Learning Resource Management Section (LRMS) of the Curriculum and Learning Management Division (CLMD).

This book was also evaluated by May Glenn Siacor, Aurelio Odiong and Sarah Michelle Nietes, and field tested by Christine Clerimy Bayog.

If you copy and distribute this work in its entirety, without making changes to content or illustrations, please label the work as follows: “Reproduced on the basis of an original work developed under the USAID ABC+: Advancing Basic Education in the Philippines project and licensed under the Creative Commons Attribution-NonCommercial 4. 0 International License.”

If you create a translation of this work, please use the following label on your work: “Translated from an original work developed under the USAID ABC+: Advancing Basic Education in the Philippines project and licensed under the Creative Commons Attribution-NonCommercial 4. 0 International License.”

If you create an adaptation of this work,
please use the following label on your work:
“This is an adaptation of an original work
developed under the USAID ABC+: Advancing
Basic Education in the Philippines project
and licensed under the Creative Commons
Attribution-NonCommercial 4. 0 International
License.”

Brought to you by



The Asia Foundation

Let's Read is a program of The Asia Foundation that supports early reading skills and habits to develop our next generation of critical thinkers and creative innovators in Asia and the Pacific.


To read more books like this and get further information,
visit: letsreadasia.org

Original Story

Si Mako at Ang Kaniyang Bisekleta (*Mako and His Bicycle*). Author: Mark Joseph Salinog. Illustrator: Teody M. Gaspar. Contributor: USAID's ABC+: Advancing Basic Education in the Philippines.

Published by The Asia Foundation - Let's Read, © The Asia Foundation - Let's Read. Released under CC-BY-NC-4.0.

This work is a modified version of the original story. @ The Asia Foundation, 2023. Some rights reserved. Released under CC-BY-NC-4.0.



For full terms of use and attribution,
<http://creativecommons.org/licenses/by-nc/4.0/>

Contributing translators: Kea Chiva